

瑞
榴
堂
詩
集

讀愛山方伯詩集

古之為詩者往往發其言於性情之
際而寓其事於山川行旅之間蓋自
皇華四牡之章而已然矣周詩已降
於漢魏六朝之唐詞人墨客大率
借山川行旅以寫其磊落砭砭之

懷而康樂何氏少陵杜氏元稹之讀何
氏集山川行役十常以九名杜氏五言
已為度體唯五秦州等詩一唱三
歎有古風人之遺然後知詩之工以
性情為經以山川行役為緯不經
則不能名於詩之大者大原不緯

乃於其末季事之何微也斯以赴
於青石掇拾天地間之風雲雨露
龜魚草木以著於藩罕也爰山
方伯起自潯南孫令而遜權於兩
浙以閩之閩所至多能聲人皆
謂其為神明之吏簿書鋪敘之

夫年且去人之寸園者能為不能
能為神明之吏簿中補穀之長
而不知以重詩歌自叙其古詞人
墨客之林則未為文質並優華
實並茂也而愛山方伯不然其
玉湖甫即有美亭園嶽及溪

竊取歌等篇其自是以玉漸自漸
玉閨即其各姑蘇之變而漸升
枝及前叔洋後叔洋式篇此然
玉什其曲其則而生他隨其柔
類之此場非為其以筆者此非
散其方其性情之際而實其事

於山川行役之間者哉昔歐陽子曰
詩人少達而多窮予嘗以爲不然
走讀龍但布布窮愁之事乃忘和
聲時生以揚國家功德與吾平生
知遇之事也爰山作室垂二十年
於日以詩達而詩什日以精進其

深得詩人三經緯而和至序時卷
者與余雖不敏亦得頗後涯涯
又因香山勸之請序亦余爰僭數
語以為之序

道光十一年歲次戊戌小陽月長白
穆彰阿撰

聲音之道與政事通詩者心之聲也
而世之論者必曰詩窮而後工余竊
以為不然高士逸民負侏儻之才不
得致用則有偃仰空山以嘯歌自適
者羈人騷客躡五岳浮江湖舉抑塞
不平之意發之於詩工則工矣亦未
始不傳然於政事果皆有裨焉否耶

君夫才為時棟道為世範致身通顯
宣力四方世之讚美功德者固不必
及其詩而詩轉以名位德業掩然果
抒情宣德發諸心聲而通諸政事則
其詩之可傳者自在何以拚為愛山
方伯由文學起家絃歌小試早有循
吏聲嗣是一麾出守屢筦繁區教厯

監司久居海嶠臺洋之後尤著豐功
按讞東甌勇而能斷

天子知其賢遂命陳臬畿甸洊握藩
條行即坐晉封圻益恢遠謨而紀殊
績矣然余久聞其治行而未及窺其
詩也戊戌冬奉

命入朝道保定始出瑞榴堂稿見示

義本敦厚語必清新其原本山川極
命草木無非抒寫其性靈而能實踐
於政事者以余生長海邦服官中外
足跡亦多周歷而拙於為詩偶爾操
觚率無足錄今讀斯集其在湘南諸
作則皆余年來行部所經也其在閩
中及往來吳越燕齊諸作又皆余里

居所見聞宦遊所攀涉者也凡余所
盱衡時事諮訪土風欲搦管而未逮
者而君皆已濡染豪翰壘為聲歌以
得其性情之正豈高士逸民羈人騷
客之作所能較絜短長而名位德業
且益彰其盛歟又何相拚之有哉余
不敏不足以論詩聊述所慕於君者

以志余愧是為序

道光十八年十一月小寒日治弟林則
徐呵凍題於京師郵次

讀夏山先生詩集

長白有詩仙，玉骨秀舉手。

擷雲霞，紛紜貯懷袖。飛下大羅

天，清光遍宇宙。一麾未榕垣，筆

占江山。門江山氣，降誰復偏師。

據

集中七
言較多

管城壘，壘堅武庫琳。

瑯富有時艷而新環燕失肥
瘦有時清而癯奇礪遲皴透
春榮桃李餘而急雷霆祿紆
迴珠轉丸舒卷雲生岫元也附
驥名以管窺星宿見猿喜心生
自忘其謗陋碎後肆狂于竟

為先生宥略分見性情傾譚悉

此深琴手邀薔薇飲腹異釘鉅

下士鼠飲河望洋失所守

是日後先生詩

快飲大醉

幾忘名分

道光乙未年夏月易堂柯培元

拜題

讀瑞榴堂詩藁

問君可是謫仙人
筆底烟雲妙
寫真吟到西湖園
畫裏不天還
改認前身

杭州莫道勝蘇州
十次信棹到
席邱湖上清風江上月
濃粉淡

抹多勾留

案牘紛如騷海濱幾回目不淺
丁人今知開害却多益如作程
歌柔效顰

知己天涯學唱酬使累多度過
東甌望為歧路說難別當為佳

章在柳州

爰山擬由閩
之右江新任

省道光甲午年春日孚遠王惟

誠題於甌東官署

自敘

余自幼酷嗜吟咏顧以家世清宦終
鮮兄弟為蝸角微名計不得已肆力
于免園冊子中甫弱冠倖獲科第又
復牽絲入仕厯落從公無暇拈弄柔
翰講求聲律之學至湘南未久即奉
諱旋里服闋赴原省從公鞅掌之餘
山瞻衡嶽水泛湘江每嘆屈宋遺風

千秋未泯景行仰止心嚮往之偶行
役經溪山佳處間作小詩信手揮灑
半歸散佚記憶所及僅得數篇而已
己丑以知府簡發八閩由京遙往閱
水陸程途四五千裡船脣鞍背時有
所作隨筆記之嗣往來浙江鞠獄復
渡海攝篆臺陽守城勦賊勞人草草
之餘時復借詩紀事先後共得古今

體詩如干首茲檢閱舊帙不忍棄去
輒錄前後所作彙存一冊以蚓竅蠅
鳴之響證雪泥鴻爪之痕聊以自娛
固無當于白雪陽春之唱也

道光十八年歲在戊戌皋月上浣長
白托渾布自記

瑞榴堂詩卷一

蒙古托渾布

望衡嶽

奇峯鎮南國七十二孫枝

長沙記衡山七十二峯

洞接朱陵

古雲蟠石廩奇莊嚴侔四嶽突兀峙重離七澤流

環繞三湘浸渺瀰紅芙開面面紫蓋挺嶷嶷玅應

昌黎卜歌傳子美詩

少陵有望衡嶽詩

祝融隆祀典岫嶺

閔崇碑

楊升庵丹鉛總錄云岫嶺碑在衡山絕頂求者終不可得

靈蹟留千載

層雲幕四陲

衡嶽常有濃雲護之昌黎默禱即開東坡所謂力能開衡山之雲者也

塵中慙躑躅望裏聳厓厓幾度空瞻眺勞勞祇自

嗟

余以公事往還屢經山下每以未得登覽為悵

三醉亭

騎雀更番汗漫遊愛看江水拍天流舉杯直欲吞

雲夢得句真堪撼岳樓壯志未酬三策棄

洞賓屢試春官

不第始學

仙蹤贏得一亭留我來不敢重呼酒開

看君山夕照浮

石鼓書院拜謁周子像

齋邀升堂仰德容溫溫霽月與光風窗前草長依

然綠池上蓮開別樣紅知有文光騰漢水曾看道

脉行湘中驚湖鹿洞規模遠私泐何繇與發蒙

遊浯溪讀大唐中興頌碑

有唐靈武真龍起一碧流澄占晉水

少陵諸將詩龍起猶聞晉

清寰宇歡騰翼戴功天教李郭誅安史次山耿耿

懷孤忠作頌再拜陳膚功鴻文典碩儷謨誥淋漓

筆妙煩顏公大書深刻浯溪石劃破山痕碧苔碧

路險風高響搗稀百金一字應難易

韓昌黎詩八分一字直百

金後人論古多私臆南內西宮誓子職并誚元文

藻飾多未堪雅頌侔忠直援碑證史徒多事翻似

說詩辭害志我愛磨崖十丈奇好叅垂露懸鍼秘

幾番臨去又徘徊如讀前賢索靖碑寄語山靈休

拒我瓊槌携得擬重来

謁柳柳州祠

門對青山水滿溪丹黃蕉荔葉萋萋已無報賽銅

絃曲剩有殘碑玉局題

祠中昌黎所撰廟碑為東坡所書

遷謫同

時悲夢得文章一代接昌黎知公不朽英靈在自
有餘光炳斗奎

浯溪行

浯溪之水清且幽浯溪之山阻且脩烟消日出人
迹杳微聞欵乃來孤舟次山昔住此溪上築亭結
屋勞綢繆詩文一一有寄託繪聲繪影何優游永

州子厚山水記輞川摩詰詩篇留以視浯溪諸撰
紀後先心迹何相侔我来溪畔心夷猶去公倏已
逾千秋岩間雲氣自舒卷溪中水碧涓涓流方今
承平際熙皞文士盡副巖廊求轉惜次山志用世
抑鬱終未攄奇猷徒負大才塞大用老耽一壑守
一邱清遊懷古重歎息臨去瞻眺心悠悠

遊愚溪有感口占四絕句

樂水由来稱智者先生何事獨安愚可憐蘇海蘆
潮外名與清溪願自証

溪神那及先生達入夢斷々逞辨才濟世無功宜

避世怕教舟楫此中来

空明宛爾虛堂鏡清冷依然遯世賢不作瀾翻廣
長舌深藏終古閤淵淵

汪洋恣肆儘吹噓何似茲泉靜且虛甘謝聰明居
樸魯海枯石爛不闌渠

道州途次有感二首

見說營陽路層巒阻客行崎嶇鞅掌苦蹀躞馬蹄
輕徑窄風橫度坪危樹側生次山曾宦此千載有
循聲

嶺色重重碧灘流潏激清盤旋苔磴滑呖輶竹篴

鳴細路迷來徑閒花媚晚晴誰知行役瘁
厯碌事

長征

夏日偕友遊永明縣觀音巖古洞四首

禪室從來雲外賞

唐張燕公向

名山那許熱中遊偶偕

舊雨來消暑不信層巖似凜秋自媿聰明擬冰雪

肯同襤褸共車舟一聲清磬塵心淨彷彿瓊樓玉

宇留

嵌空巖壑暑全無疑入凌陰路迴殊上藥齊懸鍾

乳石飛泉跳作走盤珠緣忝香火前生證話戀茶

灰夕景徂分手下山歸路遠一鉤新月上東隅

招提咫尺枕溪邊
流水輕舟渡晚烟
銀線遠飛山外雨
碧雲深鎖寺中天
香奩覆樹幽逾靜
清磬含風韻更圓
促膝不知閑話久
歸來西畔一星懸
碧空雨洗夏炎收
古洞谿衍喜共遊
石柱中懸森侶鐵
巉巖小憩冷如秋
泉烹活水茶初試
碣剔蒼苔字半留
仙骨詩心兩清絕
招涼不羨白蘋洲

永州木壘途次感懷

不信泉陵路難如
蜀道行危橋橫獨木
倦客下荒城
蟻磨形千轉羊腸路
一程巒烟連徑鎖
山草蔓途生老樹森
立飛濤瀾鳴淺灘
深壑險雙峽

溪明有意期高蹈無心眺晚晴功名原是夢何
必熱移情

歲旱禱雨昭山甫下山大雨隨之而至四野

霑足張上舍禮以喜雨詩見投率 and 原韻
炎官火繖方昭爍淺水深淵盡乾涸那堪牲幣禱
經旬惟歎驕陽金可鑠龍宮遠在昭山頂絕壑陰
厓冷於井我凌崩劣足重繭拜倒潭邊竭誠請湘
南地瘠民窮迫敢告區區冀神格良苗萬頃萎且
黃除却甘霖救不得炷香乍燼金烏墜雲起山靑
亘山背虔持勺水下崇岡過眼無心看紫翠雨急

風狂瞬已及穿輿電掣金蛇入墊角巾如郭氏歆

霑襟酒訝杭州溼

白香山詩襟上杭州舊酒痕

劇憐簞笠盈原

野如獲醍醐九天瀉冒雨歸來沆小休解衣磅礴
西牕下

附錄張上舍原作

烈日煅人酷暑爍桔槔聲斷溪光涸湘南雨澤
久愆期直恐青黃半焦鑠我公遠赴昭山頂百
拜深深乞龍井一炷名香盥手焚半盂法水親
身請此意真為民命迫此念直已天心格指顧
金蛇掣電光驚起老蛟眠不得飛廉盪空雲忽

墜雨脚下插昭山背雲時昏黑障遙青到處枯
黃轉濃翠我公迴車走不及風伯雨師隨之入
大如破竹膩如膏歸途那顧衣裳溼父老歡聲
滿衢野萬頃湘波一碧瀉安得我公傳說霖坐
令崇朝遍天下

將之東安留別湘潭紳士四首

前路茫茫浪拍堤湖光萬頃綠頗黎雪泥有跡留
鴻爪烟水無邊送馬蹄小草出山應不負歸雲帶
雨未遑栖憑看柳色依依處多少新鶯自在啼

潘岳花原手自栽肯將美錦學人裁三年喜聽絃

歌韻一寸深慙襪線才客有飛鳧能獨往山名回
雁待重來離筵媿我難勝酒話別頻斟瑞草魁
林棲但得一枝巢往歲儒冠忍遽拋欲采芷蘭醫
俗狀竊攀屈宋結神交訟庭生意餘芳草講舍休
風慶茹茅願與諸君求飽學從來禮樂是珍肴
年來膏雨足三時記得祈甘慰渴思只有斯民紫
我念不如臣父畏人知北堂檄為娛親捧南浦詩
因慙客遲堪笑驪駒歌一曲陽春何似郢中辭

附錄紳士和作二首

弱柳千絲水拍堤萬家生佛頌黔黎雪泥有迹

留鴻爪花燕含春戀馬蹄衡岳應添新畫本上
林原是舊巢棲一琴一霍輕裝便山外青山鳥
亂啼

箴書小閣築書巢退食餘閒未忍拋五夜琴聲
清霍夢一痕香草定蘭交使君此去看騎竹佳
士於今彙拔茅豔說臣心侶冰雪只贏江水共
山肴

附錄僧也岸和韻四首

雨過平湖水拍堤偏容瘦島識昌黎僧方敲月
吟驢背公已班春駐馬蹄劇喜芳郊樂深稼揭

來古寺愛幽棲一聲清磬隔花出驚起昏鴉幾
樹啼

棠陰繞路手親栽美錦爭春處、栽繼步自探
民俗去現身難識宰官來一枝豈是棲鸞地百
里原非展驥才姓字 御屏風上記循良今
讓使君魁

鳳在高梧燕在巢芒屨箬笠俗塵拋淵明只結
遠公社支遁惟耽元度交僻地有時頻種竹漏
天無日不編茅知君澹泊如諸葛肯許山僧載
笠看

回首隨車雨到時
口碑載道繫人思
每因清白居官好
轉為先勞不自知
晉秩翻嫌劉寵晚
攀轅憊借寇恂遲
佛前我只焚香拜
怕讀旂亭餞別辭

淡嵒放歌同程春海學使作即用其韻

我口慙海客仙境談瀛洲
我身虛七尺仙骨媿鄒侯
淡嵒奇秀彷彿蓬萊與
方丈茲來偶作半日名山留
紅塵久插腳林壑防貽羞
不信柳州道州兩詩伯
似此洞天福地何以忘
搜求泉飛儼拖紳徑曲
類盤谷高下草樹涵蒼翠
但覺衣裳毛髮

一色如苔綠僻逾桂林龍隱與南華

粵西二洞名

靜儼

西浙烟霞暨石屋

西湖二洞名

我拉伴侶入曲折如螺

旋山氣雜水氣薄、蒙蒼烟其中空曠恰如巨甕

敞其外虛明照見天光圓千年萬季石髓滴一、

凝作鐘乳當空懸或如獅象偃卧齊伏地或如蛟

龍天矯將騰天或如石鐘如石磬垂、錦帶都是

藤蘿牽四旁如滑笏未許人攀緣中央磐石一方

堅且緻遊人來坐約略能容千疑是神工鬼斧巧

磨礱削成絕侶几榻平無偏餘石磊、不可以數

計大者尋丈小者如星聯笑謂同行二三友可惜

忘攜酒盈斗不然高歌痛飲就石眠醒來那管斧

柯朽不朽須臾陽鳥西去洞深黝宛似堯典宅西

谷名柳虞書昧谷史記說文均作柳谷耳邊惟聞暗水走涓涓望

衆洞中奇石夫何有錯疑碧翁欲雨雲沉沉又訝

蚩尤吐霧羃遍羣山陰欲去不去意惆悵侶有山

靈叱咤聲鳴暗題名肇始李西臺作歌我愛黃魯

直寫得崑中光景栩栩而欲活若教喚起古人聽

祇應驚倒西晉一謝客唐人詩均稱謝靈運為謝客遙知洪荒

未闢此崖時定有飛仙厥中宅丹成白日去昇天

不若羽化還留骸骨蛻出山步躑躅杳々鳴天雞

古詩集卷之十一

鑿：蹋白石鹽：紆青泥萬木扶疎枝葉相戛擊
恍似山鬼伐鼓還搖輦遠峰何巉：晚風何淒淒
洞門回首不可覓但見雲飛霞卷五色橫虹霓對
山我忽發狂言此事疑煩詹尹決何時婚嫁畢向
禽守道客吾用其拙嵇康詩用拙存吾道誓將餐雲採藥住
此間巖前不速之客來惟有太古月

附錄春海學使原作

左揖元道州右揖柳柳侯茲崑者不得兩先生
姓字畱得無草木含泣泉石羞兩先生者不得
茲崑遊得無神物闕惜慳其求幾：二詩老山

谷引出千詩斲山綠我尋黃九到石屋雙戶訝
然差遞而折旋如入暗室羶蒼烟忽規天光大
其圓若啟巨甕側以懸人自甕中窺見天甕口
齒々藤薜牽亦有鳥道容攀緣甕坐卧人可數
千迤其北面幽且偏其勢總與天光聯磊々落
落方圓反正凹凸百石友各帶詩班刻星斗但
能飲墨便嫵媚况迺苔青蘚赤風駁雨蝕朽可
憐嘉祐迄今日蕪絕前賢在深黥石上盡刻題
詠最古者為
宋嘉祐時或者沒字碑中雜元柳後檢不得遂謂兩
先生文未曾有是時春雲鬱沉々老龍抱珠潛

太陰卻覘黑暗有若泉迸出深窅蟄雷之亦為
之暗吟颺襲衣毛髮直賴土承履肌肉活當年
曾宿避秦客客去乃為二蟬宅蟬亦僊之不留
蛻吁嗟乎人在甕中若醢雞詩在石上如鴻泥
何如興來撞石空谷自響荅十萬軍聲鳴鼓聲
何人結廬托幽邃道是嚴晨暄燠盛夏含清淒
散仙有福啖鐘乳旅客亦愛騎青霓昨宵欲來
雨不決却恐馴狽笑人拙用鄒道鄉故事瀟水淡々橫
古愁中有照見元侯柳侯一九月

需次湘南未逾一載旅次忽接 先君凶耗

匍匐奔喪艱辛備歷口占數絕聊誌哀忱
竊唳鵲啼未足與于詩之列也

漫矜高甲復魏科翻為功名惹恨多安得承歡還
食力不知宦海有風波

匆匆捧檄到瀟湘讞獄餘閒讀律忙祿養願虛風
木痛那堪重展蓁莪章

需次從公歲已週米鹽凌雜費綢繆無端陟岵雲
封岫禁得終朝血淚流

楚山不斷楚江寬著我羈人感百端到此始知名
利累還山泉比出山難

來時懽悅去淒然十口相依泛巨川極目洞庭天水濶愁雲憂思共無邊

翼日復得七律一首

征途蕭颯等飛蓬時命無端塞與通天外白雲差覺厚人間青眼果難逢填胸塊壘經時積涉世炎涼轉眴空慙媿未修君子德那堪一例處途窮

途次良鄉有感

一抹寒雲淡車驅碾路塵飛騰他日事憔悴此時身短晷愁重疊長途夢欠伸行行鄉國近剩有淚沾巾

瑞榴堂詩卷二

蒙古托渾布愛山

雄縣曉發

征輿當曉發
暝色隔林微
岸柳如人立
檣帆似鷺飛
轍深馬力健
雨足麥苗肥
旅店停車處
徘徊對碧暉

曉過趙北口

長橋排雁齒
十二望依稀

地名十二連橋為雄縣任邱交界之處野

水多歸淀柴門靜
掩扉波光侵岸草
烟景淡朝暉
放眼車中望
鳬鷗逐隊飛

宿富莊驛

厯厯輪蹄入暮忙
燕南魯北接蒼茫
人烟盡出豐亨象
富庶頻加愛此莊

德州途次書懷

蹤跡年來西復東
山車水楫道途中
任他鄉夢同遊蝶
惟覺征心逐遠鴻
新麥有苗含曉露
浮萍無迹怯春風
天涯多少塵勞客
三月桃花九月蓬

青齊道中

春山生白雲
楊柳綠成紋
兩岸扶疎影
條々綰夕

曛

宿張夏

郵程迢遞瘁征鞍且逐歸鴉返暮烟
茆屋歌斜綠嶺足山光紫翠落輿前
盈阡薺麥占年稔比戶絃歌識吏賢
空自巖三瞻氣象登臨何日逐飛仙

地近

泰山
故云

東昌道中

城郭臨河上垂楊冒碧虛客程兼水陸
關隘聚舟車轉漕帆如薺登盤食有魚
春來好風景彷彿近淮徐

過新泰縣

山城古驛涼漢縣說平陽野曠多沙磧田虛鮮稻
梁晚霞凝紫翠高嶺接青倉聞說年中稔風來餅
餌香

羊流店

地為羊祜故里中有高塚
五處相傳為祜之三代云

西晉山河渺逝波羊家垣壘尚嗟我蕭々旅店斜
陽裏下馬尋碑有客過

分水龍神廟

兩戒分南北黃河濶且清紛飛帆葉々浩淼水盈
盈古廟瞻靈蹟神旗颭晚晴斜陽來舵尾津鼓聽
同聲

長城驛

盡日山行我馬瘡
嵐光面面展新圖
石紋重疊棋枰碎
樹影參差畫本麤
泰岱高盤雲路細
黃河遠上水痕枯
偶來小憩耽孤寐
魯酒如澠賤易酤

兗州途次

坎珂愁身世其如行路何
貪程忘黑夜問道近黃河
墟落荒寒甚津梁圯廢多
無聊村店壁題句記經過

宿遷舟中

風逆阻帆行水淺時停艤
岸高峙船頭魚樂躍沙

瑞榴堂詩

卷二

三

尾漕艘邪許過蟬聯走磨蟻我舟厠其間將進輒
復止冥心誦坡詩至妙有深旨耕雨刈欲晴去怨
來者喜東坡詩耕田欲雨刈欲晴去得順風來者怨人情既同然物理
本如此大塊烟景佳陽春駒隙駛一笑啟蓬窗滔
滔對流水

宿順河集

鈴聲替戾復丁東半在醒中半夢中撲面風來寒
栗々當頭月照淡濛濛霜濃楚閔三星白村遠燈
搖一點紅盼到停車棲息地一茶一飯也匆匆

山陽謁座師汪文端公墓

九重心德契交孚績學匡時古大儒伊呂經綸襄
邳治皋夔翊贊播宏謨河聲嶽色瞻坊表玉節金
和仰步趨慙媿鯁生蒙拂拭松楸肅拜淚霑濡
小草曾邀貯藥籠得依絳帳坐春風文章敢說投
鍼芥治譜還教啟賸聾余簡發湘南叩辭函丈公
以蕭山汪龍莊先生所著
學治臆北斗泰山虛極目衡陽湘水悵飛蓬重瞻
說見昇華表音容邈豈止荒莊愧阿蒙

漂母祠

漢家功狗待淮陰那及憐才漂母深我過靈祠三
歎息不關一飯與千金

露筋祠題壁

淮水湯、自古今荒祠門掩暮雲深
剖心斷脰英雄風遠同此忠貞一片心

誌乘何須姓氏傳香魂毅魄亘千年
我來候較前賢早不見當門放白蓮

瓜洲夜泊

波光隱、欲吞天兩點金焦暮晚煙
隣舫參差依岸曲危橋高下卓堤邊
潤州山遠孤城抱仄步江空皎月懸
記取明朝侵曉渡隔宵先與賃紅船

江口

有紅船名抹生船每渡江
必招與同行能禦風浪

維揚舟次

舫郎催放木蘭舟未作平山一度遊回首烟雲圖

畫裏瀟湘端不似揚州

余在楚南宦遊八載山水不若揚州秀碧可愛

維揚登眺

十里長衢百尺樓珠簾暮捲繡窗幽燈光月色分明認高髻吳娘住上頭

遊金山寺二首

淼々臨無地滔滔阻去程山盪千仞翠江湧一峯

清塔影連颿影鐘聲雜櫓聲空明通碧落浩瀚接

蓬瀛蘇憶留僧帶

寺中古橋一座宋蘇東坡留玉帶處因名玉帶橋

陶傳

瘞癘銘

瘞癘銘石刻在山足偏近江水相傳為梁時陶宏景所書

登臨重懷古

萬里暮潮平

萬派盡朝東
經聲出梵宮
佛樓縹緲外
塔樹有無

中曲徑禪房窄
危崖古洞空

山背間有開山之裴頭陀石洞四圍

波激盪一色露
溟濛孤鷺翻
翎白殘霞散
綺紅依

稀追宿夢

余于前數日夢入一古剎懸崖峭壁廟宇莊嚴為生平未覩之境今入寺遊宛

如夢中抽管紀詩筒

又七絕二首

江心古寺聳巍巍
金碧樓臺點綴多
一色水天連

楚月更誰題句壓東坡

寺中有坡翁題詠

江內金山寺外江樓金罍靄影雙々登臨覽遍江

山勝第一泉邊露石砭江心有中冷泉陸羽品為天下第一

登惠山

惠山疊翠惠泉清此去姑蘇只一程七十二橋風

景好

沿途自揚州至杭州凡歷七十二橋舟皆從橋下經過

畫中放棹鏡中

行

詠惠泉

人傳仙井是靈泉碧澗長流碧玉泉一盞乍烹清
沁骨憑欄北望悵雲天

中和下浣泊舟無錫友人鄧荔坪孝廉招遊

惠山詩以紀事

西神古壩森高嶺一碧泉甘注方井

惠山晉名泛西神山

泛鷗盟鳧浴情迢迢虎踞龍蟠影我來正值豔陽

春畫舫沿綠傍水濱廿四番風風乍暖十千酤酒

酒微醺良朋三五同遊覽躡屐聯翩陟雲巘石墨

書尋松雪碑

泉邊有趙松雪所題天下第二泉碣

竹爐圖展文莊卷

明邵二泉尚書寶自製竹爐并繪圖徵詩一時題詠甚多

爐卷今藏惠山僧寺中

愛絕清

冷第二泉鍾靈毓秀美斯傳飲來直抵金莖露載

去應浮藥玉舩水邊戢戢仙鱗異五百年來儘游

戲

池中金魚數頭長逾尺半相傳為趙宋時物

閣畔名花落更開松間

怪石危疑墜凌虛四望碧峻增雲路千盤儘我登
高下琳宮排隱々參差煙樹接層々紆迴徑繞如
螺曲草不知名隨意綠遠寺剛聞幾杵鐘斜陽已
掛前山麓歸途意興似雷顛一步回頭一惘然塵
海久羈誰有約名山少住總無緣拙官自笑如匏
繫偶託清遊聯友誼分手匆匆放棹行小詩聊仿
名山記

詠惠泉酒

惠山山麓民風厚慣汲山泉釀醇酒芳逾百和甘
百花飲得一杯勝一斗天地精英水土鍾持比餘

杭肯居後我登蘭榭月三三恍把菊觴節九九未
須送倩白衣人那用斟煩竹林友媿謫仙吟詩百
篇學陶公狂稱五柳清冽應知舉世無馨香豈復
尋常有况逢佳景與良辰復挈詩僧偕好友飲到
酣時乘醉眠半帆風送隨潮走

姑蘇舟次

姑蘇城外水盈々半是歌聲半櫓聲徹夜管絃聽
不斷張帆徑去不移情

遊虎邱

青山如黛水如油好泛春船上虎邱笛韻脆浮桃

浪暖蘭言香入豔歌柔二仙亭畔碑痕蝕上席邱山
二仙人臨試劍池邊古蹟幽山中有石純遊興乍
此因名亭開歸棹急笙歌隊裏肯勾留

題白公園

吳水東來泊畫船名園勝蹟動流連當年君享詩

人福此地余懷刺史賢十里畫圖開席阜白公園在席邱

下一帆風影起鷗眠廬山聞說留遺址瞻仰無緣

一惘然公自開廬山草堂所製碑文載寰宇名山記

姑蘇行

姑蘇水碧澄滄浪虎邱山好浮晴光大江東注來

維揚雄封從古誇吳疆我由冀北經金閭舍舟登
陸任翱翔攬勝一、觀周詳人聲雜沓走且僵通
衢四達紆長廊市廛比櫛低復昂崇墉屹、遙相
望學校修整文運昌辟宇巍煥趨鵷行繚垣曲榭
聯禪房花木灼、疑仙鄉復有高樓百尺强美哉
畫棟還雕梁珠簾掩映露象牀不數綠野平泉莊
兩旁列肆如翼張錯雜器用何穰、前排玉佩與
明璫後弄華冠併繡裳宋錦吳綾煥縹緗珊瑚玉
樹騰光芒花為幃幄翠為箱霞作彩色雲作章果
實珍異盈筐筐枇杷橘柚齊芬芳通宵徹旦燈輝

煌撲面迎人蘭麝香敞華筵兮飲瓊漿醉明月兮
飛瑤觴擊蘭槳兮聽笛腔登蓉亭兮奏笙簧酒旗
茶扇任風颺絲竹管絃逸韻長伶人妖冶侔玉郎
曲高和寡音鏗鏘當壚少婦號吳娘勸斟玉液陳
金觥友朋三五紛趨踴斗酒不惜十千償歲際豐
樂人阜康佳哉氣象何堂皇君不見西秦西晉及
西羌三蜀三齊兼三湘民風質實敦且龐諄々好
樂戒無荒此邦久成靡麗場少年子弟耽膏粱費
盡纏頭樂未央凶民之業反其常古處遺風詎竟
忘還淳反樸宜思量

舟行駕鵞湖道中作

盼到錢塘路尚遙
水雲鄉裏望迢迢
藍拖春水波千疊
翠鎖桑陰徑一條
十里桃花紅似錦
萬竿竹影碧于綃
漁歌鷗夢真圖畫
江外清江橋外橋

西湖春望

白堤草拂春風碧
蘇堤波卷春痕白
春草春波綠渺茫
紅橋畫舫人吹笛
笛韻初殘人不見
山色湖光淨如練
水煙花氣盪空濛
隱約樓臺窺半面
蘭舟輕逐桃花浪
裏湖外湖起漁唱
繫纜來登望湖樓
獨倚高窗頻眺望
望中隔岸孤山小
崔去亭空

青未了南朝煙景麗無窮勝境如斯天下少

西湖竹枝詞十二首

山外青山湖外湖西冷佳景勝姑蘇扁舟一葉開
來往我亦身疑入畫圖

湖光山色兩相宜打槳沿緣任所之五柳居中佳

味好鱸魚蓴菜動秋思

吳山上有五柳居酒肆

繫纜江頭祇數朝主人情重屢相邀酒船多少遊
湖客烟雨蒼茫過六橋

柔櫓聲、去復回綺羅人立曉窗開秋風秋雨添
秋興恰有山僧送酒來

西湖四望水悠悠，楓葉荻花已暮秋。正是客心孤
迴處，誰家紅袖泛蘭舟。

長短堤連裏外湖，清光一片擬冰壺。樓臺倒影隨
波動，勝看平山十景圖。

西湖風景儘夷猶，桂棹輕移鏡裏遊。除卻灞橋驢
背句，詩情一半在杭州。

躡屐攀蘿訪淨慈，蕭蕭風雨動秋思。禪房深處尋
幽趣，滿院黃花滿壁詩。

覽盡西湖景色幽，夕陽西下尚勾留。數峯縹渺烟
中寺，留得雲林異日遊。

放鶴亭前君送我白公堤上我思君
匆匆未到金沙港回首蒼烟與暮雲

秋催鷺嶺木犀開多少紅裙禮佛來
香氣氤氲吹不斷錯疑天女散花回

四面晴光接六橋湖心亭畔水迢迢
有時鷗鷺凌波起知是遊人泛桂橈

重陽前一日偕袁秀浦明府遊蘇白二堤

携友尋僧堤上行秋來佳景更澄清
玲瓏怪石千堆巧縹緲層樓四照明
雲外寺鐘聞隱隱柳間花舫泛輕輕
湖光覽盡宵襟豁我亦勾留倍有情

湖心亭泛棹

青山面々樹重々水閣湖亭次第逢
蘇小墓圍紅躑躅坡公堤放白芙蓉
聲來耳畔孤山鶴影落樽前
石塔峯柔櫓聲中頻領略
尊羹鱸膾酒香濃

孤山泛棹

六橋烟雨望空明浪淨風柔澈底清
丹翠屏中山寺隱琉璃鏡裏畫船行
霜林楓葉紅千樹秋水芙蓉碧一泓
放棹亭邊和靖墓高風我亦慕先生

謁岳武穆王祠

崇祠屹湖濱高塋枕巖畔
英風震華夏忠誠亘霄

漢維王輔南宋大小經百戰躬率背嵬軍長驅劇
精悍誓將薄黃龍雪仇靖危亂下以奠黔黎上以
紓宵旰詎知長脚相掣肘如畫墁光堯聽不聰垂
成功解散金牌十二馳日夕亟宣喚長城一朝壞
萬古同悵惋我幼披史書讀之輒扼腕今茲過西
湖廟貌瞻炳煥古柏聳陰森錢人跪魚貫閱世五
百年忠心萃不換後嗣十餘戶比屋護輪奐春秋
展明禋恂々奉鬱裸地靈人復傑世遠名不泯再
拜去踟躕夕陽墜山半

錢塘江上

夜雨江聲合扁舟曉未停濕雲連樹黑野竹上霄
青霧氣全虛白波光接渺冥推篷記何處髣髴泛
湘汀

登杭州六和塔

泊舟錢江澣同登六和塔古佛化身靈禪房幽景
納相輪撐虛空樞衣容旋踞高疑閭闔通下與水

天合潮聲到寺平

塔建于唐時宋方臘作亂焚燬後江水不靖僧知曇募化復建

江潮鈴語當空答浮雲去蓬蓬長風來颿颿飄飛

入杳冥波痕相吐飲隱隱指西興鐘鼓聲鏜鏜

蘇長

公詩江上西風晚來急為傳鐘鼓唐經卅二章迴
到西興至塔登眺始知措語工切

廊嵌周匝

壁間石刻四十二章經相傳為唐人書惜未攜鐫椎一之

手摹搨小憩心忘疲淪茗倚飛閣仙境可淹留徑

思橫卧榻

附錄大兒金鎧一首

六和塔巍栽錢塘江浩渺百尺插穹蒼一覽衆

山小

用少陵句

萬里白無邊數峯青未了此壙鑒古

今興廢自分曉遙望伍胥祠忠靈尚皎々吳越

業何存荒埜餘煠草憶管射潮時鐵弩三千矯

潮頭亦畏強英風今已杳俯眎萬家烟雉堞如

環繞名利逐紛々舟航一何少我欲遠紅塵清

幽看一飽塔頂自孤高眼界倍明瞭且題壁上
詩胃懷一以表

泊富陽

富陽停泊處浪湧一孤舟烟雨山城外春江第一

樓

富陽城踞山巔上有春江樓

前詩意有未盡復得七言律一首

雨細雲濃望渺冥山光排闥透螺青四圍水瀉琉璃鏡
三面峯開翡翠屏富渚樓高依日月鮎魚洞遠接滄溟

富陽縣城外江樓最高其下有鮎魚洞傳云洞通海水

茫々襟帶

江山勝盡本詩牌紀未停

桐廬舟次遇雨

漠漠江南雨蒼茫送客船三篙春浪活一澗鏡光
圓水墨流雲染胭脂著樹鮮紅圍桃葉渡黃抱菜
花田鷗鳥波前戲漁郎醉後眠空濛山色裏直欲
擬神仙

泊窄溪

春江水漲涌飛湍到處鶯啼似轉丸夾岸夭桃遮
嶺斷滿林脩竹礙波寬青圍柳色青如洗翠擁嵐
光翠不乾漁笛數聲斜照外船頭小坐怯衣單

蘭溪夜泊觀河燈口占

空江何處覓芳荃送客亭邊繫客船誰熱波心蓮
萬炬光聯星月亘遙天

泊蘭溪

蘭江東去水淙淙垂柳如絲颭晚風釣艇漁郎別
浦外錦帆越女渚烟中梨花似雪迎人白桃蕊凝
脂隔岸紅蕩韻歌聲渺何處波光一片碧玲瓏

過龍游縣遇風

輕舟涉江湖夷險未可定忠信矢平生驚喜分俄
頃風恬五兩輕快如斫堅陣終風曠且暴宜退不
宜進我行過龍游風色始猶順滔々經深淵陶々

行月鏡須臾聞怒號陡覺勢猛迅本愛波澄清旋
訝檣榜震緯夫作斗吼篙師屈鳧脰何以冀狂颶
亟呼下石碇毋徒誇利涉所宜凜知命何日到清
湖額手共稱慶

過江山縣大溪灘

青龍壩接大溪灘樹碧山青水蔚藍駕鷺成行鷗
作隊飛鳴只在翠雲潭

舟次嚴陵偶懷

春水溶溶漲綠波一聲晚唱送漁歌青山是處成
圖畫惜向華胥夢裏過

嚴陵釣臺和王平華觀察原韻

丹山碧水樹園青
瀧上灘多幾度經
忽聽畫眉啼落月
始知加腹應台星
炎劉祚失金猶在
名利人來舫不停
輸與渭濱垂釣叟
至今崇祀奠香醺
肯將宰肉羨陳平
周黨王良總世情
七里灘偏來物色
一羊裘可傲朝英
綠蓑漫擬煙波隱
白雪應難主客爭
千載祠堂留范記
雲山江水亦榮名

江山道中雜詩八首

蘭溪水碧杏溪柔
同入嚴江一派流
偏是畫船來往熟
朝朝簫鼓盪夷猶

朝霞紅映綺窗繞
咿軋聲中盡舫開
山色蔥龍江水綠
幾多漁婦曉粧來

暮烟濃裏碧山隈
一點雲中指釣臺
郎到衢州妾到歙
聽他柔艣劃波開

雨細風斜似畫圖
琵琶行酒雜吳歎
依稀西塞山前過
回憶前塵歲易徂

聞說瀧中景物幽
玉梅萬樹暗香浮
我來可惜罨

蒼落綠葉陰濃九里洲

釣金東偏九里洲前有梅花數萬株春初作花一望

如雪

一舟四面浸澄空
月色波光上下同
怪底隣船第

遂靜怕他龍女出珠宮

一曲琵琶韻最嬌自慙白石善吹簫生來鐵石心
腸慣臨別頻催畫漿搖

蘸波嫩柳綠堪憐舞向東風態更妍眼底桃花逐
流水不知春思在鷗邊

途次遣興

揚帆載月下衢州檀板金樽樂此遊水碧山青詩
裏盡燈紅酒綠醉中謳琵琶一曲翻新調醺醺
杯破舊愁心事不思之欲碎且拋煩悶學風流

清湖偶感

北轍南轅敢告勞塵沙漠々滿征袍渡江風定潮
初落過嶺車行月尚高酒到悶時心易醉詩逢愁
處興偏豪劇憐多少天涯客雙鬢都先見二毛

題江郎石

行役愁孤影竒峯儼聚形江郎心不化萬古此堅
青遠勢凌仙掌空原下脊令清颺延客處蘭芷扇
芳馨

過仙霞嶺二首

南過江郎數百峯悠然又見碧芙蓉穿雲瀑布晴
飛雨倚石山泉水自春兩浙烟嵐留畫本八閩鎖

鎗壯雄封憑高勝蹟供吟眺腰脚雖勞興未慵
松梢竹杪綠迷途烟靄層巒幻有無赫々雄關開
絕頂遙々仙嶺隔三吳神祠花雨雲深鎖客路峻
嶒石亂扶盼到榕垣程漸近 安興喜奉步亨衢

附錄金鎧仙霞關一首

得々籃輿破夕曛仙霞高聳絕塵氛嶺頭古驛
藏深樹天際重關鎖白雲縹緲家鄉何處是蒼
茫閩浙此間分老僧久住真堪羨兩字清高迴
不羣

過楓嶺用唐錢起杪秋南山西峯題準上人

蘭若元韻

楓嶺停肩興登臨頗適性絕頂數峯竒靈泉三尺
淨雨洗翠欲流雲深白滿徑棕橋依石橫水碓下
春應密竹淙綠天隔花響清磬邈爾胸襟開相對
塵心定

過大竿嶺

漁梁路接大竿嶺翠竹干霄千萬頃林外圓聞鳥
哢聲池邊跳有魚驚影蒼烟暮靄東山靨古剎層
樓綠絕頂小憩僧寮日未晡好汲清泉烹紫茗

晚宿漁梁

撲面滿征塵逢人屢問津飛沙欺倦鳥瘦馬赴勞
人雲起青山失波平白鷺親縈紆來楚店明月自
為隣

小竿嶺和壁間韻

歷盡坡陀見石梁憑高一覽勢逾張輪蹄莫厭塵
中瘁烏兔猶多劫外忙不信投竿捐得失何須煨
芋叩行藏吟餘匹馬衝煙去回首空崑崙晝光

附錄原作

小竿嶺接繞漁梁尺五山高特地張雨歇看山
疑入定雲來與客欲爭忙度林鳥雀幽篁苔浴

水神魚玉沼藏且自留詩題粉壁後來好與溯
流光

再度梨嶺和壁間韻

閩越分程咫尺間峰如屏展水如環龍收潭雨僧
安鉢鳥破林烟客款關風色蒼茫甌海樹秋容峭
削浦城山年來徧踏紅塵道一晌雲棲始覺閒

附錄原作

筍輿行傍翠微間地近南州列嶂環厭聽灘聲
辭建水快携鄉夢出梨關天因倦客收殘暑秋
為詩人排好山小憩僧寮烹活水宦情輸與老

僧閒

五顯嶺小憩和壁間韻

不為籃輿倦安知洞壑幽
禪栖空意識樹老閱春秋
深竹磴阿抱野雲山缺流
衣塵何日浣一笑此勾留

附錄原作

古寺足松竹蕭齋靜且幽
衆峯新過雨小院乍疑秋
鳥語林梢定泉聲雲外流
重來僧話舊煮茗且淹留

臨江嶺和壁間韻

嶺負雲藏寺登臨路漸高
凌空標古塔絕磴瀉飛
濤韻有松篁答僧無車馬勞
何當煮白石一為滌
塵囂

附錄原作

湖嶺兼山嶺臨江嶺最高
一亭穿澗水十里響
松濤東望疑無際西來暫息勞
白雲精舍坐煮茗解炎囂

度夕陽嶺和薛間韻

誰信桑榆竟有方到來落日正蒼茫
深巖曳屐思康樂大漠迴戈羨魯陽
霧淨望空飛鳥影風疎時

遞密林香鐘聲入耳驚塵定且覓曹溪一勺嘗

附錄原作

數擁征輿出上方林巒爽翠接蒼茫雨餘南浦
生秋水日近西山半夕陽早芋著芽黃剝土新
橙到手綠搓香白雲精舍匆匆過敢許烟霞供
客嘗